



Ons Moder häd dat kleine Wech gekreegen,  
 de natte Düker legen in denn Huck.  
 mät Schwamm on Seep on lauwärm Water  
 word affgeschropp Kopp, Ärmkes, Been on Buk.

Nau affgedrög — on in de wärme Düker  
 de kleinen Steuer word verpack,  
 dann mott Papp öm en betjen haalen,  
 bös dat et Päppken färdeg ös gemack.

Dat dürt dann meis te lang vör dessen Fräter,  
 denn Hunger kömp öm öwer mät Gewalt —  
 Papp mäk nau Spöök mät öm nor aale Mode,  
 on heij beruhegt sech ok bald.

Papp tepp de Fenger op dij sewen Lökker,  
 dij jeder Mensch so häd in sinnen Kopp,  
 od dorbej säd heij, wij et miek sin Moder  
 en aald aald Spröksken ömmer op:

Ohr lenks:	Vader
Ohr rechts:	Moder
Oog lenks:	ek
Oog rechts:	höbb
Naslock lenks:	Honger!
Naslock rechts:	Woor?
Mull:	Door!!!

On nau häd Moder, wenn dat twenteg mol gedoon  
 dat färd'ge Päppken op denn Desch all stoon.  
 On dann haut drinn de kleine Mann,  
 bös dat heij nit meer schlukken kann.